



HOW WELL THE MEDICINE DI WORK?



For 8 out of 10 woman dem, MISO go move the belle for way wey the woma no go need extra medical care.

IN CASE THE MEDICINE NO WORK?



Make e take the medicine again (12 tablets, 4 tablets under your tongue until them melt completely, every 3, 3 hours) or make e go go get Manual Vacuum Aspiration (MVA).-for this method, dem go insert something like syringe inside your woman skin for suck out any part of the belle wey e remain or no commot.

But if the belle no commot after you don take the MISO, small risk dey say the pikin wey you go born fit get problem.



THE BELLE COMMOT ALL?

Even if the woman feel say e no dey with belle again, e be important say me e confirm say the belle don commot completely.

E go either do scan, or pregnancy test 3-4 weeks after e don move the belle.



AFTER THE BELLE DON COMMOT



After the belle don commot, the woman fit expect for continue for bleed for about 1-3 weeks; but no be the same for all woman them. After everything, the woman get for confirm say the belle don commot completely.



We di advise say make woman dem no put anything inside their woman skin, wash or sleep with man pikin until that plenty blood don stop for commot; about 2 days after them don use MISO for move the belle.



Woman fit get belle immediately after e don move another belle.

If e no want get belle immediately, e must start for di do thing dem wey them no go mke e get another belle wey e want keep'am- like for use condom, and so on.



CONTACTS

Women Help Women

WEB: [HTTPS://WOMENHELP.ORG/](https://womenhelp.org/)

EMAIL: [INFO@WOMENHELP.ORG](mailto:info@womenhelp.org)

TWITTER: [@WOMENHELPORG](https://twitter.com/womenhelporg)

FACEBOOK: [WOMENHELPWOMENINTERNATIONAL](https://www.facebook.com/womenhelpwomeninternational)

MAMA Network: **Mobilizing Activists around Medical Abortion (MAMA).**

WEB: WWW.MAMANETWORK.ORG

MEDICAL ABORTION WITH MISOPROSTOL



WETTI BE MISOPROSTOL?

Na medicine wey dem di use'am for all side for this world for move belle wey you no wan'am and for cure gastric ulcers. For inside medicine store, dem di sellam with different different kind name dem.

Like cytotec, isovent, misoclear, misoFem, cyrux of tomispral. For plenty African country dem, them diuse this medicine for prevent and for stop blood after woman don born.



MISOPROSTOL, WETTI DEM FIT USE AM DO?

For move belle with no problem
For finish for move belle wey dem no do'am fine.
For prevent and stop blood after woman don born.
Them fit us'am too for treat gastric ulcer.

HOW E DI WORK?

Misoprostol go mak'am make e be like say you don get miscarriage. E go make that road we pikin di pass soft and open we e go easy for the belle for commot.

WHEN DEM FIT USAM FOR MOVE BELLE WITH NO PROBLEM?



You fit us'am within the first 9 weeks for the belle starting from the first day after you last for see your flow.



If 9 weeks don pass, you get for use'am when medical professional or nurse dey there.


HOW YOU FITUSE'AM FOR MOVE BELLE WITH NO PROBLEM



The woman get for take 4 tablets every 3 hours, until e take 12 tablets.



E go put the 4 tablets under e tongue, leavam sotey all the tablets them melt for inside e mop.



E go just leav'am until them melt under e tongue.



After 3 hours don pass, e go put another 4 tablets under e tongue leavam again sotey all them melt. E NO GO SWALLOW AM.



E go just leav'am until them melt under e tongue.



After another 3 hours, e go put another 4 tablets again under e tongue leav'am again sotey all them melt.



E go just leav'am until them melt under e tongue.



WETTIN YOU FIT EXPECT AFTER YOU DON TAKE THE MEDICINE?



The pains and cramps/pains go plenty pass as e di use for be during period.



80% of the time, belle di commot before 24 hours want finish.



The more the belle dons stay, the more the blood and cramps/pains fit be.



Medicine for stop pain

WHETTI FIT HAPPEN



The woman fit notice this kind signs the m within the first 24 hours:

E neck go turn (nausea), e fit vomit, purge, fever (wey u no di shiver), headache, body di weak. All these one dem na side-effects wey dem no bad and dem go disappear after a few hours.



WETTI BE THE SIGNS SAY YOU DI GET COMPLICATIONS AND THE MEDICINE NEVER WORK FINE?



Blood go di commot plenty sotey you go use 2 or 3 pads ever hour for more than 2 or 3 hours non-stop.



You go get High temperature/fever wey pass 39 degree, for more than 1 day.



Plenty pain wey pain killers no fit cool'am and e go continue for few days after you don take the MISO.



Bad smell and discharge go di commot for your woman skin.

IF YOU GET ANY PALAVA



Go hospital or health center immediately.

Workers for hospital and health center get obligation for attend to the woman immediately.
For hospital, dem go give e the same treatment wey them di give woman wey get complications after e don miscarry.

E no be possible make dem know for hospital whether the woman don miscarry or e don try for move belle with MISO. So woman we y get complication after e don take MISO fit tlk for hospital say don miscarry.

